

ANNOTAZIONE

(1) — Trascritta da copia fatta da Pasquale Coddè, e fu ancora pubblicata dal Bottari al T. 8. a pag. 20 dell'op. cit.

— N.° 28. —

Lettera scritta al primo giorno dell'anno 1490 dal Papa a Francesco Marchese di Mantova (Inedita.)

Innocentius P. P. VIII. Dilec. fili sal. et ap̄m bened. Intelleximus desiderium Nobilitatis tuæ circa requisitionem dilecti fili Andreae Mantegnæ cujus presentiam optabas in proximis nuptiis tuis ad nonnulla paragenda. Nos, qui te præcipuo affectu complectimur, id libenter permisuri eramus, et ipse Andreas non minus prompte præstiturus erat, nisi adversa valetudo qua pluribus diebus gravius laboravit, nondum tamen illa absolutus, impedimento fuisset. Nam corpore est adhuc invalido et adverso etiam hoc hyemali tempore non sine manifesto vitæ periculo iterinali labores et incomoda perferre potuisset. Talem virum tanto discrimini exponere, et te ac nos ejus servitio privare minime convenit. Quod præsentis et Jacobinus tubicen et caballarius tuus optime perspexerunt. Curabimus, quod certe studiosissime facimus ob ejus siugularem virtutem, ut plane convaleat, et tunc robustior factus, tuo beneplacito tibi et nobis commode subseruire potuerit. Quod nunc non veniat æque animo his de causis ferat Nobilitas tua. Datum Romæ apud S. Petrum sub an. pisc. die 1. jannuary 1490. Pontif. nr̄i an. VI.

Io. Pe. Arrivabenus

(al di fuori) Dilecto filio Nob. viro Francisco
de Gonzaga Marchioni Mantuæ

— N.° 29. —

Lettera scritta al 6 di settembre del 1490 dal Papa a Francesco Marchese di Mantova. (1)

Inn. P. P. VIII. Dilecte fili sal. et ap̄m bened. Minime frustati sumus expectatione quam conceperimus de dilec. filio Andrea Mantinia equite Mantuano præstantissimo pictore, qui a nobis accessitus sua in hac nobil. arte libentissime quidquid gerens, ut apud nos aliquod ejus artificii exemplum extaret: ita desiderio nostro satisfacit. ut nihil ad opus ejus addi posse videtur. Quare vestræ Nobilitati hac de causa gratiam agimus, quod tantum ac talem arficem non sine incomodo suo nobis accomodaverit. Quem perfecto opere istuc cum optima gratia Nra redeuntem tanto studio tuæ Nobilitati commendamus, quanto jure optimo commendari debet pro suis in nos bene meritis et artis præstantia. Gratissimum et acceptissimum habituri quidquid comodi vel honoris a tua Nobilitate fuerit assecutus. Dat. Romæ apud S. Petrum sub. an. pisc. die VI septembris MCCCCLXXX, pont. nr̄i an. VII.

St. Bulbianus